

Toksave long ol moni ol i rausim long pe bilong yu

Toksave long ol PALM wokmanmeri



Ol moni bai ol i rausim long pe taim yu stat wok pinis

Long halpim yu taim yu kamap long Australia, kampani bai yu wok long en bai i baim sampela samting bilong yu. Yu bai yu bekim dispela ol samting ol i baim pinis.

Kampani yu wok long en bai rausim kos bilong ol dispela long wan wan pe bilong yu long stat wok igo inap long 12 – 16 wik olgeta. Ol bai rausim long sampela pe bilong yu, tasol bai yu gat inap moni i stap long baim ol samting bai yu stap gut.

Yu mas save olsem long taim yu stat wok i go inap yu wok pinis long 12 inap long 16 wik samting (o sampela taim moa), bai nogut yu nogat inap moni long salim sampela i go kamap long ol femili long ples bilong yu.

OL MONI OL BAI RAUSIM LONG PE BILONG YU OL RAITIM PINIS LONG STAT WOK LETA BILONG YU, OLSEM:



Haumas ol i baim long balus long bringim yu kam pinis long Australia na wanem kar o bas i karim yu long ples-balus i kamap long haus-slip bilong yu.



Haumas ol i baim long stretim ol visa bilong yu.



Haumas ol i baim ol samting bilong yu bipo yu statim wok, olsem dokta i sekim yu, yu kisim sut o sekim yu long ol drug samting.



Liklik moni ol givim yu long halpim yu long baim ol liklik samting yu laikim bipo yu kisim nambawan pe bilong yu.



Sampela samting bai ol i go het long rausim long wan wan pe bilong yu

Bihain long 12 inap long 16 wik long taim yu statim wok na sampela samting ol kampani i baim long taim yu kam stat wok na yu bekim pinis, bai i gat sampela narapela samting moa kampani yu wok long en bai rausim long wanwan pe bilong yu

Dispela bai yu baim long bekim sampela kos bilong stat wok [ol deduction] bai inap kamap narapela kain long narapela kampani sapos yu go wok long en insait long Australia.

SAMPELA KAIN RAUSIM MONI LONG WAN WAN PE BAI INAP OLSEM:



Baim haus-slip [na sampela taim bond-moni] sapos kampani i stretim dispela pinis.



Insurans bilong helt [we visa i tok yu mas gat]



Ol kaikai [sapos ol givim long yu]



Transport kos [long yu kamap long ples bilong wok no go bek long haus, na tu long narapela taim bai yu yet raun long laik bilong yu].



Baim ol samting bilong haus [olsem paua, gas na wara], internet, ol sia na bed samting, na ol lain i save klinim haus na wokim gaden. Tingim dispela kos inap stap insait long rent yu baim long wanwan wik o i ken kamap narapela na bai rausim long pe bilong yu.

TINGIM

Kampani yu wok long en bai inap rausim sampela pe bilong yu sapos yu raitim pinis tok-orait long dispela na sapos dispela em bilong halpim yu. Yu mas kipim wanpela kopi long wanem pepa yu raitim pinis nem bilong yu long halpim yu sapos biahain yu gat askim long dispela.



IMPORTAN TOKTOK



Sapos yu wok long wok-horticulture ol haua yu wok em bai inap long senis long taim bilong harvestim. Kampani yu wok long en bai i senisim haumas ol rausim long sampela pe bai yu mas gat inap moni long baim ol kaikai samting. Nogut bai dispela taim bai yu no inap long salim moni i go bek long ol femili long ples bilong yu.



Sapos yu gat sampela askim long pe o wanem samting ol i rausim long pe bilong yu, orait yu mas askim kampani bilong yu pastaim



Transport

Haumas bilong baim long bas long karim yu long wok na bek long haus bai i kamap narapela kain long wanwan wokmanmeri na wanwan ples yu stap wok long en long Australia. Kampani yu wok long en em bai inap bringim yu long wok na bek long haus o yu yet inap kalap long ol bas, kalap long baik o long wanem kar yu yet inap painim.

Sapos yu baim wanem kar long kampani yu wok long en long karim yu, orait yu no inap holim dispela kar taim yu pinisim kontract bilong yu. Haumas olgeta yu baim kar em bai i karamapim ol kos bilong ronim tasol [insurans, registration, ol pat na kipim stret dispela kar]. Sapos yu yet laik baim bensin i go stret long kar [kos bilong bensin wanwan wik inap kamap olsem \$50 inap long \$150] em orait o i ken stap insait haumas yu baim long wanwan wik. Yu yet bai askim kampani yu wok long en long dispela.

Olgeta transpot we kampani yu wok long en i stretim bilong yu i mas sef na gutpela prais tru. Yu yet bai inap painim wanem transpot long laik bilong yu taim yu kamap pinis long Australia.

Haumas moni ol i rausim inap bai i kamap narapela long wanem ol raitim long Stat-wok leta bilong yu

Sampela taim tru kos bilong sampela samting bai ol i no inap save long en bipo yu kamap pinis long Australia, e.g kampani bilong yu bai i bukim wanem balus bai yu kalap long en na wanwm haus-slip bai yu stap long en taim ol tok orait long givim visa long yu, olsem haumas ol raitim pataim long Ofa-Leta bilong yu ol i ting bai olsem [ol i kolin pastaim tasol].

Taim yu stat wok kampani bai i givim yu wanpela nupela pas we i makim haumas tru moni bai ol i rausim long pe bilong yu (o ofa leta long stat wok long yu long oraitim we i soim trutru ol kos na haumas bai ol i rausim long pe bilong yu. Yu yet mas tokorait long ol dispela nupela o rausim pe ol i senisim). Yu mas save long ol dispela toktok bipo yu raitim nem bilong yu long oraitim dispela pepa.

Sapos yu no save gut long nupela ofa long wok, plis toktok wantaim tim lida o boss bilong kampani yu wok long en. Tu yu inap long ringim PALM Sapot Lain long namba (1800 51 51 31), kolin Fair Wok Ombudsman (13 13 94) o Union bilong yu sapos yu memba long en.

Sampela samting yu mas save long en long pe bilong yu

- Ol bai i peim yu long wanwan wik, o long fotnait [olgeta tupela wik] – Leta ol givim yu long stat wok bai i toksave long ol dispela.
- Bai yu mas wetim olsem 1 o 2 wik inap long yu bai kisim nambawan pe bilong yu.
- Kampani yu wok long en inap wetim inap wanem taim bai yu kisim pe tru long statim long rausim sampela dinau samting.
- Sampela kampani yu wok long en bai inap givim yu longpela taim liklik long bekim ol dinau.
- Wanwan taim ol i rausim haumas pe bai ol i raitim long payslip bilong yu.

Taim bilong malolo na pe bilong yu

Bai ol inap rausim pe bilong yu sapos yu no go wok. Full-taim na hap-taim wokmanmeri bai i mas kisim sik-liv na wanyia liv, na dispela taim i save kam antap taim yu wok. Ol pat-taim wokmanmeri inap kisim malolo long wok taim ol i sik, tasol ol i no inap kisim sik pe na ol i no save kisim holide pe long yia. Daunbilo hia lukim wan yia malalo na sik malolo bai yu inap kisim:

Malolo taim o liv bilong yu kampani bai baim

- Ol full-taim wokmanmeri: 4 wik long wanwan yia [20 wok de]
- Ol hap-taim wokmanmeri: 4 wik long wanwan yia [skelim i kamap long pat-taim haua long wanwan wik]
- Casual wokmanmeri: Bai i nogat.

Malolo sapos yu sik kampani bai baim

- Ol full-taim na hap-taim wokmanmeri: 10 de long wanwan yia
- Casual wokmanmeri: Bai i nogat.



Haus-slip bilong yu

Kampani yu wok long en bai traim painim haus-slip bilong yu we i sef na long gutpela prais, na i stap klostu liklik long ples bilong wok bilong yu, sapos i gat sampela ol dispela i stap klostu long wanem hap tru yu wok long en.

Haumas yu mas baim bilong haus-slip bai i kamap haumas tru long wanem ples tru yu stap long en, bikpela bilong haus, sapos i gat wanem sia na tebol samting long en, na sapos haumas long baim paua na wara samting long en. Olsem bai nogut yu bai mas baim narapela kain haumas moni long sampela narapela manmeri long tim bilon yu.

Taim yu kamap pinis long Australia yu inap long painim haus yu yet, tasol yu mas toksave long kampani bilong yu sapos yu laik senisim haus, bipo yu wokim dispela. Kampani bilong yu bai toksave long yu bai hausmas wik yu mas putim toksave long dispela bipo yu inap senisim haus.


Planti haus-slip bai putim bond moni long insait long rent long stat. Sapos yu bagarapim sampela samting long dispela haus bai ol yusim dispela bond moni long stretim.

Sampela samting bai ol wokmanmeri i mas baim long wanwan wik

Ol samting bai ol i rausim long pe long stat i go inap yu wok long 12 – 16 wik

Dispela piksa daunbilo hia i soim wanem kain rausim pe bilong yu bai inap ol rausim long pe bilong yu long wanwan wik long bekim ol kos long stat wok olsem balus tiket¹, baim visa bilong yu, samplea baim bipo yu stat wok na tu sapos yu kisim dinau long stat. Piksa hia i soim haumas moni tru bai baim long wanwan samting.

Dispela bai yu bekim bek long kampanui yu wok long en long ol bai rausim hap hap moni long pe bilong yu stat long 12 wik inap long 16 wik taim yu stat wok pinis.




1. Plis tingim, baim long kalap long balus long go long Australia em bai narapela kain long wanwan narapela kantri.

Soim sampela baim long wanwan wik long ol wokmanmeri

Haumas baiyu baim bihain long ol kos long stat wok yu bekim pinis

Baim long ol samting long taim yu stap long Australia inap moa long ples bilong yu yet. Nogut baiyu mas baim moa long ol samting olsem kaikai, haus na trenspot samting.

Piksa daunbilo hia bai i soim yu olsem haumas baiyu baim long wanwan wik bihain long yu bekim pinis kos long stat. Piksa daunbilo hia i soim haumas baiyu inap baim long ol samting.



Bau yu mekim wanem sapos yu no inap luksave long pe-slip bilong yu?

Yu askim long kampani bilong yu pastaim. Sapos yu gat ol narapela kwesten orat yu bai inap long...

1. Askim long Liaison Ofisa bilong yu o Pasifik o Timor-Leste Wokmanmeri i lukautim ol woklain.
2. Ringim dispela Pacific Australia Wokmanmeri (PALM) Lain sapot fone namba long (1800 51 51 31 – free call),
3. Askim dispela Fair Work Ombudsman (wanpela ofis bilong Gavman bilong Australia i save givim free halpim) long 13 13 94. Long sampela toksave gen go long: <https://www.fairwork.gov.au/pay/deducting-pay-and-overpayments>.
4. Toktok wantaim ol lain bilong Union sapos yu wanelala memba.



Haumas long baim long sindaun long Australia

Baim long taim yu stap long Australia nogut bai i moa long yu save baim long kantri bilong yu yet. Tingim nogut bai yu baim moa long ol samting olsem kaikai, haus na trencpot.

Daunbilo hia em lista bilong ol kaikai na samting bilong haus bai yu baim long ol stua long Australia. Plis tingim: em hia em lista em bilong soim tasol. Prais bilong ol wanwan samting long stua inap senis long wanem ples, taim bilong yia na sapos samting i gat i stap o nogat.

Bai yu inap long bihainim lista hia long kamapim budget long wanwan wikk. Sampela taim sapos yu baim moa namba long wanwan samting hia bai yu inap sevim moni bilong yu. Nogut bai yu laik go long internet long sekim long senisim moni [olsem long www.oanda.com], long haumas ol dispela bai yu baim long moni long ples bilong yu yet.

Soim sampela kain baim long sampela samting long stoa long Australia.					
Wanpela: Milk 2L: Baim \$2.60		Wanpela: Ol Kiau: 12pela: Baim \$4.00-\$7.00		Wanpela: Butter: 250g: Baim \$2.00-\$5.00	
Wanpela: Potato: 250g: Baim \$3.00-\$5.00 wanwan Kg		Wanpela: Kaukau 250g: Baim \$3.00-\$5.00 wanwan Kg		Wanpela: Tomato: 250g: Baim \$8.00-\$10.00 wanwan Kg	
Wanpela: Carrot: 250g: Baim \$2.00 wanwan Kg		Wanpela: Kabis: Baim \$7.00 wanwan		Wanpela: Kaukau samting long bokis ais: paket: Baim \$3.00-\$5.00 wanwan Kg	
Wanpela: Kakaruk (wanpela no kukim yet): Baim \$7.00-\$10.00		Wanpela: Bread, 700g loaf: Baim \$3.00-\$5.00		Wanpela: Apple: Baim \$3.00-\$5.00 wanwan Kg	
Wanpela: Tin mit, 340g: Baim \$2.50		Wanpela: Plaua, 1Kg: Baim \$1.50		Wanpela: Orange Wara, 2L: Baim \$5.00	
Wanpela: Mit: Baim \$16.00-\$26.00 wanwan Kg (sapos wanem kain mit tru)		Wanpela: Tin Atun, 95g: Baim \$1.00		Wanpela: Ol Banana: Baim \$2.00-\$5.00 wanwan Kg	
Wanpela: Ol Sosis: Baim \$12.00-\$14.00 wanwan Kg		Wanpela: Mins Mit: Baim \$13.00-\$19.00 wanwan Kg		Wanpela: Pis, Baramandi: Baim \$8.00-\$25.00 wanwan Kg	
Wanpela: Rais: Baim \$2.00 wanwan Kg		Wanpela: Noodle, 5 pack: Baim \$4.00		Wanpela: Tea bag, 100 pack: Baim \$3.00-\$5.00	
Wanpela: Pasta, 500g: Baim \$1.50		Wanpela: Tin Bin, 400g: Baim \$2.00		Wanpela: Instan Kopi, 200g: Baim \$8.00	
Wanpela: Toilet Pepa, 20 pela: Baim \$12		Wanpela: Sop Wara, 1L: Baim \$3.00		Wanpela: Tit Tes, 140g: Baim \$2.50	
Wanpela: Shampoo, 250ml: Baim \$6.00		Wanpela: Sop, 5 pela: Baim \$4.00		Wanpela: Deodoran, 250ml: Baim \$4.50	



Australian Government

Australian
Aid